



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XII. Die Octobris.

urn:nbn:de:hbz:466:1-9625

& ipsi alimentorum inopiã sensim cum aliis elanguere, & charitati deuotas nobiles animas pro fratribus posuere, in Dei gloria cum apparuerit, vt spes est, satiandi, inter heroes sui tam prodigæ charitatis.

P. IOANNES

NICOLAUS PEDELONGVS.

Italus Neapolit. 11. Oct. 1579. ætat. Soc.

Huius nobiles origines à Palæologis reperunt nonnulli. Tria in illo notauit præcipua. Quod cum Iuris prudentissimus esset, videretque innocentem quempiam contra ius, & fas

damnari ad mortem, crudeli seculo nuncium remiserit, & facultates suas in egenos distribuerit Societatem amplexus. Deinde quod in Societate normæ domesticæ se enixè accommodarit; modestiã, & singulari cum Deo coniunctione præstans; ad confessiones autem audiendas tam promptus, atque perpetuus vt antonomastico e-logio passim loco nominis *Pater Confessarius* vocaretur. Denique quod & suum, & alterius cuiusdam de Societate è vita discessum particulatim, & ex verò prædixerit, magnã patientiæ laude, supremo, & longo in morbo clarus.

Uscatio.

Confessari.

Mort.

XII. DIE OCTOBRIS.

MARCUS ANT.

RIDOLPHINVS.

12. Octobr. Italus Romæ. 1597. ætat. 22. Soc. 4.

Expectationis magnæ iuuenis, nec minoris ad virtutem ardoris fuit Ridolphinus Logica tunc operam nauans. Huius mortem breui secuturam dixit moriens eius condiscipulus *Celsus Finettus* vt mense superiore meminimus; quem etiam à Deipara Virgine intellexisse aiunt, Ridolphinum in Purgatorio pœnas daturum biennio. Ante initã Societatem, imminente festo SS. Petri, & Pauli, suã amici, tandem se propelli permisit, vt Sanctorum Apostolorum honori quotannis Romæ fieri consuetum turbinem igneum seu Arborem festis pyrobolis velut in ramos distributis nobile oculis spectaculum, dum illos ei culatur, exhibentem ne spectaret, atque hac oculorum voluptate procul habitã sanctos illos Apostolos honoraret. Iam stabat arbor in S. Angeli Castello erecta, & porrecta in ramos,

cum Ridolphinus cæteris ante hac ad similia spectanda longè propensior, illis ad solarium certatim currentibus, ipse in conclaui sese attinuit. Sed amicis perurgentibus, tandem, & ipse ad solarium vnde sub dio torum illud pyrotechnicum artificium egregiè spectari poterat, ascendit: verum (vt ipse postea id fallus est) quantumvis non sine vi maximã sese contineret, oculos ad flammeam illam arborem nunquam extulit, illis pertinaci sui victoriã semper clausis, etiam cum pyrobolorum ex arbore prorumpentium sibilos, fragorem pulueris pyrii, sociorumque plausum audiret, omnibus heroica huius in Ridolphino victoriæ planè inconscijs. Nec impar his postea in eodem Societati adscripto vitus respondit.

Oculi.

Sui victoria.

Purgator. B.V.

Mortific.

P. LV.

P. LVDOVICVS

P. IACOBVS

MOLINA.

REM.

Hispanus
Madrivi 12.
O. 1600.
ætat. 65.
Soc. 47.

CVM ingenio magno magnum studium & cum hoc magnam domesticæ disciplinæ curam coniunxit cum ad consueta domus officia primus pronolaret, instar tyronis egregie accurati. Humilitatem, & paupertatem potissimum coluit, nullius ætatis, valetudinis, vel studiorum obtentu quicquam admittens, quod super alios videretur, aut quod omnibus non daretur. Cubiculi supellex pauper, imò nulla: quippe vnica imagine librisque contentus, ipsum Breuiarium habuit tam attritum, vt minores horæ folijs vetustate iam exesis legi vix possent. De libris suis imprimendis nihil sollicitus, etiam moriens illos obedientiæ arbitrari commisit. Nunquam autem ad eò abripi se studiorum æstu permisit quin quotidie legendo Thomæ à Kempis de Imitatione Christi libello orij aliquid assinaeret.

HIERONYMVS

ABARCA NOVIT.

Amellius Li
mæ. 12. Oct.
1601. ætat.
18. Soc. 2.

NATUS in America nobili familiâ, Nè Theologiæ cursu Societatem tandem impetrauit: diuinissimi Sacramenti cultu, & lachrymarum dono clarus; quibus condiebat preces quas attentione summâ fundebat. Beatissimam quoque Virginem, & S.P. Ignatium apprime coluit: & scrupulis aliquando acerbè vexatus, per hunc apud illam effecit vt liber ab iis euaserit. Per eandem impetrauit desiderium moriendi. A pueritia consueuerat inter bibendum Sanctissima *Iesu, & Mariæ* nomina mente implorare.

Oratio.
B.V.
Scrupul.
S.P. Ignat.

Mort.

Mensa.

Iesu Maria.

ROMÆ Societatem iuuit, & in primis (vt appellare mos est) exercitiis, toto triduo in ediam silentio tolerauit, cum cibos illi afferre is cuius muneri id intererat per inconsiderantiam omisisset. Ad ea, quæ in triclinio legebantur attentus, martyrologium non sine lachrymis audiebat. Innocens illi semper virginitas, cibo parcissimo, oculis mirabili modestiâ circumscriptis, & afflictatione corporis custodita. *Aue Maria* illi persæpe in ore ad Virginem Matrem cuius honori, & amori propagando *Colloquij mariani* cœtum, in quo adolescentes de Beatissima Virgine colloquerentur, instituit eique leges condidit. In sacello colloquij optante illo nosse, equis titulus Deiparæ placeret quam maxime; cum in Litanis *Mater admirabilis* caneretur, adfuisse illi creditur decoro splendore amicta Deiparæ, eum certiore reddens, se illo elogio maxime delectari. Vnde ille voces illas à muscis tertio ingeminari iussit. Inter sacrificandum vitus est non semel à terra sublimis in ære. Virginem quandam ab impurissimis quas misera patiebatur sordibus, liberauit semel sacris pro ea operatus. Absentia ab illo dicta, prædicta futura plurima, impetratam pro ægris sanitatem; animas Purgatorij ab eò nominatim subsidium flagitantes, eius vita narrabit. Pater Franciscus Astensis illi absenti post mortem spectabilis; rogatusque ab illo semel, ac iterum vbi esset, ei respondit: *In Gaudio inenarrabili*; ad quæ verba & tunc, & postea sæpius Iacobus dulcissimis cæli deliciis replebatur.

Germanus
Ingolstadij.
12. Octobris
1618 ætat.
72. Soc. 52.

Mensa.

Sancti.

Castitas.

B.V.

Mater admirabilis.

Sacrum.

Calum.

E E c 2

IOAN-

IOANNES

LE FEBVRE COAD.

Belga Valē-
cenis 12.
Oct. 1631.
ætat. 86.
Soc. 60.

B. V.
Charitas.

A Prima veste, quam in Societate habuit, nullam deinceps nouam admisit. Ianitoris munus per annos multos obiuit; aded ad loquendum parcus, ac temporis obseruans, vt quotidie 30. & plures Beatiss. Virginis coronas recitaret. Gaudio gestiebat si qua laboris alicuius causâ suscipiendi se offerret occasio.

P. IOANNES

DE LEDESMA.

Mexicanus
Mexici 12.
Oct. 1636.
ætat. 61.
Societ. 48.

Charitas.
Morositas.

Humanitate, ac diuinâ literaturâ, scribendi dote, dicendi ad populum neruo, & autoritate, docendi felicitate ac ingenio fuit præstans; charitate autem, laboribusque animarum planè mirabilis. Cuidam pro eius scriptis typo vulgandis mille aureos offerenti, malle se aiebat illud aurum pro templo, & Indis egentibus applicari. Parietes cubiculi erant conspersi sanguine P. Ioannis se dirè verberantis. Plura de illo annus 1636.

P. IOANNES

BAPT. DE CODT.

Belga Bru-
gis. 11. Oct.
1657. ætat.
58. Soc. 41.
Humil.

Profunda sui demissio ei persuase-
rat, vt scripto. veluti testamento
potestatem faceret omnibus (etiam
confessarijs.) quicquid de illo scirent
mali, vulgandi. Fœminæ totum iam
mensẽ lectulo affixæ prædixit fore
vt postridie sana de lectulo surgeret;
id quod factum, stupente ipsâ, &
omnibus. Ad se flagellandum calca-
ribus chalibeis utebatur. Frequenter
adstringebat pectori crucem triginta
tribus aculeis armatam; præter alte-
ram, quam è collo gestabat Christi de
cruce pendentis effigiem. Vestitus,
ferè vel sacco stramineo, vel duro as-
feri incumbebat ad somnum. id quod
Winocibergæ fecit toto triennio cum
præflet, etiâ postquam ad celebrem
cencionem dicebat. Dicebat autem
contentione magnâ, & omnium ap-
probatione per ipsos nouem & viginti
annos. Et tunc vesperi die Concionis
habitæ obsonij aliquid admittebat;
aliàs minimè, prandio solo contentus.
Cancro suo in oui molem iam incre-
centi eius chirographum admouit æ-
gra, & dixit dolorem sibi omnem,
ac mox ipsum etiam carcinoma, eua-
nuisse postridie, nullo sui relicto vesti-
gio.

Morositas.

Concio.

XIII. DIE OCTOBRIS.

P. SEBASTIANVS

ROMÆVS.

11. Octobris
Italus Ro-
mæ. 1574.

Præfuit annis vndeuginti Roma-
no Collegio verum prudentiæ,
demissionis, obedientiæ exem-

plum in se exhibens, eoq̃ue S. P. Ig-
natio apprimè charus. Plura de illo
dedi in eius vita. Illud hic non omit-
tendum, quod cum plurimas inter oc-
cupationes nunquam quiesceret, di-
cere consueverit; eos qui sunt de So-
cietate nunquam, nisi ægros, nempe
dum

Labor.